

**JAVNA USTANOVA DOM ZDRAVLJA  
KANTONA SARAJEVO  
UPRAVNI ODBOR  
BROJ: 01-01-2-60/19  
DANA, 15.04.2019.godine  
SARAJEVO, Vrazova 11**

Na osnovu člana 17. Zakona o javnim nabavkama (Službeni glasnik BiH broj: 39/14.), člana 31. Statuta Javne ustanove Dom zdravlja Kantona Sarajevo (Službene novine Kantona Sarajevo broj: 40/13.), člana 6 stav. 1. Tačka c) Odluke o izmjenama i dopunama Statuta Javne ustanove Dom zdravlja Kantona Sarajevo ( Službene novine Kantona Sarajevo broj:20/16), člana 4. Pravilnika o procedurama javnih nabavki i stvaranju ugovornih obaveza u Javnoj ustanovi dom zdravlja Kantona Sarajevo broj 01-01-176-15/15 od 16.02.2015 godine, a u skladu sa finansijskim planom Javne ustanove Dom zdravlja Kantona Sarajevo za 2019 godinu, člana 31 i 32 Poslovnika o radu Upravnog odbora Ustanove, Upravni odbor, na I redovnoj sjednici održanoj dana 15.04.2019.godine, donosi sljedeću:

**ODLUKU**

**o usvajanju Plana javnih nabavki za 2019 godinu**

**I**

Javna Ustanova Dom zdravlja Kantona Sarajevo (u daljem tekstu: Ugovorni organ) u skladu sa članom 4. Stav 1. Tačka b) Zakona o javnim nabavkama ("Službeni glasnik BiH" broj:39/14.) i sa članom 3. i 4. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo broj 01-01-176-15/15 od 16.02.2015 godine, utvrdila je stvarne potrebe za nabavku radova, roba i usluga za 2019 godinu.

U skladu sa Finansijskim planom Ustanove za 2019. godinu, a s ciljem osiguranja roba, radova i usluga za obavljanje poslova iz djelokruga rada Ugovornog organa, donosi se ovaj Plan javne nabavke za 2019 godinu, koji sadrži podatke o predmetu nabavke, evidencijskom broju nabavke, procjenjenoj vrijednosti nabavke, vrsti postupka javne nabavke, planiranom početku postupka, načinu ugovaranja (ugovor ili okvirni sporazum).

**II**

Ugovorni organ zadržava pravo da može promijeniti vrstu postupka kao i procijenjenu vrijednost nabavke na osnovu obrazloženja zasnovanog na ekonomskim ili drugim pokazateljima kao što su znatnije promjene cijena u odnosu na cijene u vrijeme procjene vrijednosti, smanjenje ili povećanje količina u skladu s izmijenjenim okolnostima i slično, a što će biti regulisano kroz provođenje postupka izmjene i dopune Plana javnih nabavki za 2019 godinu.

**III**

Za sve nabavke predviđene ovim Planom, obaveza Ugovornog organa je donošenje Odluke o pokretanju postupka nabavke u formi i sadržaju u skladu sa članom 18. Zakona o javnim

nabavkama i članom 8. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo.

Ako određene nabavke nisu mogle biti predviđene ovom Odlukom i Planom javnih nabavki, a koje su iz različitih objektivnih, opravdanih razloga postale neophodne, ugovorni organ će donijeti posebnu odluku o pokretanju postupka javne nabavke u skladu sa članom 17. Zakona o javnim nabavkama.

#### IV

Ovlašćuje se generalni direktor Ustanove da provede sve procedure javnih nabavki, te da može potpisati pojedinačne ugovore roba i usluga sa izabranim ponuđačima čija je vrijednost do 50.000 KM, odnosno do 80.000 KM za nabavku radova.

Preko navedenih iznosa iz predhodnog stava ovog člana, za potpisivanje pojediničnih ugovora generalnom direktoru je potrebna predhodna saglasnost Upravnog odbora Ustanove u skladu sa članom 6. Stav 1. Tačka c) Odluke o izmjenama i dopunama Statuta Javne ustanove Dom zdravlja Kantona Sarajevo.

Za nabavke koje nisu definisane ovim Planom, a za koje se u toku godine ukaže potreba i čija vrijednost ne prelazi vrijednost direktnog sporazuma, ovlašćuje se generalni direktor da može donijeti Odluku o izmjenama i dopunama Plana javnih nabavki za 2019 godinu.

#### V

Tabelarni prikaz Plana javnih nabavki za 2019 godinu, je prilog ove Odluke i njen je sastavni dio. U navedenom tabelarnom prikazu Plana javnih nabavki za 2019 godinu sadržane su i stavke iz Odluke broj: 01-01-2-6/19 od 28.01.2019.godine pod rednim brojevima 6,8,10,13 i 19 –robe.

#### VI

Plan javnih nabavki za 2019 godinu, objavit će se na web stranici Vlade Kantona Sarajevo, kao web stranici ugovornog organa ([www.judzks.ba](http://www.judzks.ba)).

#### VII

Ova odluka stupa na snagu danom donošenja.

### O b r a z l o ž e n j e

Članom 17. Zakona o javnim nabavkama (Službeni glasnik BiH broj 39/14), određeni su uslovi za početak postupka javne nabavke, te je u stavu 1. Jasno definisano da ugovorni organ (Javna ustanova Dom zdravlja Kantona Sarajevo), može započeti postupak javne nabavke ako je

nabavka predviđena u Planu javnih nabavki ili kad ugovorni organ donese posebne odluke o pokretanju postupka javne nabavke.

### **OBEZBJEĐENJE SREDSTAVA**

Sredstva za realizaciju Plana javne nabavke, obezbjeđena su u skladu sa Finansijskim planom Javne ustanove Dom zdravlja Kantona Sarajevo za 2019. godinu, a koji je usvojen Odlukom Upravnog odbora Ustanove o usvajanju Finansijskog plana za 2019. godinu, broj: 01-01-2-12/19 od 20.02.2019 godine.

Šef SPKOP



*Mahir Delić, dipl,pravnik*

Šef SEFP



*Adnan Šehić, dipl,ecc*

**V.D. PREDSJEDNIK  
UPRAVNOG ODBORA**



*Dr. sci. med. Abel Baltić,  
spec. interne medicine*

**Dostaviti:**

- Upravni odbor
- Generalni direktor
- Javne nabavke
- šef SPKOP-a
- Šef SEFP-a
- a/a